



30 JUN, 2025

TNB bina galeri artifak Mek Keledung

Kosmo, Malaysia



TNB bina galeri artifak Mek Keledung

GUA MUSANG – Sebuah galeri akan diwujudkan bagi menempatkan penemuan arkeologi termasuk rangka manusia prasejarah, Mek Keledung berusia 14,000 tahun yang bakal menjadi tarikan pelancong sekali gus meningkatkan ekonomi penduduk.

Galeri itu akan dibina di daerah ini oleh Tenaga Nasional Berhad (TNB) untuk menempatkan rangka yang ditemui di Gua Keledung Kecil, Lembah Nenggiri di sini pada November 2022.

Ahli Dewan Undangan Negeri Nenggiri, Mohd. Azmawi Fikri

Abdul Ghani berkata, bahan arkeologi itu ditemui ketika pelaksanaan Projek Empangan Hidroelektrik Nenggiri.

"Kerja-kerja arkeologi itu dilakukan kumpulan penyelidik Institut Alam dan Tamadun Melayu Universiti Kebangsaan Malaysia bersama Jabatan Warisan Negara.

"Terdapat 22 gua batu kapur dan 12 daripadanya dijangka tenggelam untuk dijadikan tasik takungan utama.

"Jajaran empangan bermula dari Gua Cha ke Keledung dan

ia mempunyai keistimewaan tersendiri," katanya ketika meninjau lokasi penemuan rangka Mek Keledung di Pos Pulat di sini.

Sebelum ini, penyelidik menemui artifak arkeologi berupa rangka yang ditanam bersama batu pelandas dengan alat *grind-pounding*, kapak genggam dan alat repeh.

Kesemua barangan itu diperbuat daripada batu sabak serta kristal kuarza yang sering digunakan dalam ritual pengebumian masyarakat prasejarah.



MOHD. AZMAWI FIKRI (dua dari kiri) melihat lokasi penemuan rangka Mek Keledung di Pos Pulat, Gua Musang.